

СУББОТА  
1981 ол  
7 ФЕВРАЛЬ  
Тынал I вух  
№ 6 (1736)

# ЛЕНИН пант хуват

## ПАРУМ ДЕКАДА МАР

Округ хул велпас ех январь тыласы холумнит декада ропата итгел нух вантеа. Палан тайсат 2740 центнер, лыв мир пасана пунсат 3687 центнер хул. Оланг тахия ште Суматово районан волты П. А. Райчуков хул велпас бригада. Лыв декада велпас планэл 13 пуш элты тарматсэл. И хул велпас хоя юхтантл 25,6 центнер.

ской хул завод эвалт Ф. А. Днакон бригада на Суматово район XIX партсезд колхоз хул велпас бригада. Холумнит тахи холумсат А. Г. Филатов бригада Суматово хулкомбинат эвалт С. П. Медкин бригада Октябрьской район Дзержинской колхоз эвалт на Сургутской хулкомбинат эвалт В. П. Звягин бригада.

Кимат тахия пилсанган Ковдин

А. Лыткина.

КПСС ХАНТЫ-МАНСИЙСКОЙ ОКРУЖКОМ ПА АВТОНОМНОЙ ОКРУГ МИР ДЕПУТАТАТ СОВЕТ ГАЗЕТА  
(Этл 1 ноябрь 1957 ол вух эвалт)

# ПАРТИЯ ХХVI-МИТ СЪЕЗД ЕСЯЛТ!

## КУТЭЛН КАСЛАТ

Урай вошн нух вантсаы социалистической касуспы манум верат нялмит кварталн 1980 олт. Сята нух питуа лунгатлант топ си коллективат, хойтат яма ропитсат, вон воспитательной ропата версат па договорн мийлюм ясанглал иса тарматсат.  
Партия горком, горисполком, комсомол горком и еш эвалт па еша мийляты Вур-

ты знамяйн мойласынт «Шамнефть» нефть па газ вера эслты управления, кимат автотракторной база. «Урайнефтегаз» объединения жилищно-коммунальной контора.  
Па си тумпи ямарат предприятиянт па организациант ханшсант вош ишак Сохла.

А. Ребякин.



Нялъянг мултас кубометра нефть мув илли эвалт нух алмал нефть па газ холумтты «Белозернефть» управленияйн волты хотхусьянгмит нефть похла акатты тахи.  
Слесарь Габдрашит Сабитов — вер яма воты хо. Лув

утиаслан производства хуся верат яма манлат. Лув яма уша версэлэ: «Нефть пила ропитман, иса верат мосл ямас вергы».  
ХУРИ: слесарь Г. Сабитов.  
Н. Гынгазов верум хур. Нижневартовск вош.

## Лупсат—версэл

Кондинской хул завод Юмасинской хул вуты участок коллектив партиа округной комитета рапорт китас. Сята дулла: «След елли вахтая дольман, коллектив ясанг мийляе квартальной план 300 центнер арат тарматты КПСС ХХVI-мит сьезд пуншты хатл елпийн.  
Вутига ларингум социалистической касуспы утаси, яма хул велпас нурмасат тайман, хул велпас ехлув арг елпийн миом ясангел версэл. Сьезд пуншты вонты Юмас кортанг велпас ех илдул ясанг масат: велты ил государствая маты па 50-кем центнер хул».

В. Хомайко.

## НЮХИ МИР ПАСАНА

Партия ХХVI-мит сьезд елли социалистической касуспы «Казымский» совхозн толты яснгат хуват: «мирева тынлышк ар вулы нюхи пасана пундув». Манум 1980 олт совхоз вулэнг ех шенгк яма тайсалал вулы тасяла.  
Социалистической касуспыин оланг тахи вус бригада, хута косяя вол А. М. Молданов, кимат тахия

питс Н. С. Канев бригада. Интам Вутвошн (Юильскайн), Касумн ол луват па сялта воншак вулэт нэ-масыя ямсыева лапатлант, ньолты сулн малынт, государствая ям вуянг нюхи маты пата, иса си сира тайлат 600 вулы. Партия ХХVI-мит сьезд пуншты хатла совхоз номасл оланг квартал 1981 ол план тарматты.

А. Ребякин.

## ОЛАНГН МАНЛАТ

Мунг коллективев сыры олат иты там ол ушанг сиранга олгатсала. Си оланган яма дуллат манум Ас халты (январь) тылась итогат. Мунг партия ХХVI-мит сьезд есаят манман мийлюм ясангев талантк тарматсэв. Нефть планэв мултаса холум сюрс тонна вера эсалсув. Там верат мултыкем арагтэл олангмит нефть па газ вера эсалты цех коллектив верс, хута цех косяя Ленин орденуп хо М. М. Фаррахов вол.

Лув цехи ропитты эхлал партсалэ ропитты ситы, лолн верелн юхи хасыты и хоят па ант ал вос, па кашинг хоят заданияил арт елпийн ат тарматсала. Ситы бригада, хута мастаря Ю. М. Бажин вол, 1200 тонна нефть тылась планл элты мас.

Шенгк яма ропитсат нефть па газ вера эсалты операторат В. Б. Бакнев, А. Л. Исламов, Н. П. Данилова, А. П. Сафонова, лыв иса сырыя манлат.

В. Нуриев.

## КПСС ХХVI сьезд делегат

# МУВАЛН ПАНТ ХАЙЛ

Вера Ивановна Панасевич Сургут вошн волты пилтмал ветхусьянгкем ола си йил. Си елпийн целина, Красноярской ГЭС, Абакан — Тайшет хуса ропитас. Интам Сургутской ГРЭС хуса хот омасты эх бригада ух нэнга ропитл. Сургути энергетикат микрорайон вол. Си микрорайон вет йит карсят хотат, лапкант, няврем садикат, школа В. И. Панасевич бригадайл пила апранг, каркам эш таклы хон омассант. Там тал лыв газоперерабатывающий завод омаслат.

В. И. Панасевич бригадайн мултыкем айлат эвет ропитлат. Там эвета Вера Ивановна ангки юкана вол. Каркам эх лув ишаклаз, шок тоты эх иси па ропитты си пилгат. Кашанг айлат эви Вера Ивановна хуси пурематы юхатл, хутыса волты, хулта отпуска янгхты, няврем муй сирн энмалты.

Алла, кен ропитты, бригадаен эх ан ки пелтасыйллат. Айлат эвет топ яма

воналлат ропитты В. И. Панасевич бригадайн, па лывты китлант па тахета хот омасты. Манты мосл. Куш кели ситы, В. И. Панасевич нумсал ям. Лув волнлум эвилал ям ропатнеката йисат. Ин лыв хута па ан ропитлат, иса Вера Ивановна — вон ангкел номман тайлэл. Сит лув лыват вутанг йоша эсалсала па волупсы йош хуват ухлал карся алумман манлат.

В. И. Панасевич айлат эвет пела ванталн лув энмум пурайл нумса пилт. Вон лаль пурайн лув хулна ай вос. Асел эвалт арум нэпек юхтас: лаль харн лув хул пель люхемас. Сирн Вера ангкела нэтты нумас верас па ропитты пилас. Лаль парум юпийн ол эсалман, асел мулты уй тайман хуват вошилум тахел эвалт юхи юхтас, па ясанг так вос: нявремлаат ат волтыйллат, ропитты — сар алэмалат Вера нивал класс етшуптас па ропата пела манаманг хоят катлэн хон. Манас хот омасты, ху-

та вер воты эхн ямас си ропатая воллтасы.

Йохат вона ювмал юпийн етн школайн средней образованне эша пантас. Си артати партия члена вусы, йохатшак обком бюро члена пирица.

Хутыса хот омасты воллтылты такла? В. И. Панасевич энергостроительный техникума заочная воллтылты манас. Государственной экзамен миймал пурайн техникума амтанг ай юхтас: В. И. Панасевич вуланг мойлулпсийн масы — Октябрьской революция орденан. Топ там орден — холмит лув волупсэян.

1980-мит олт декабрь тылась В. И. Панасевич областной партийной конференцияйн пирица партия ХХVI сьезд делегата Сургут вош хотат, заводат, ГРЭС омастал пата, айлат эх там вуланг вера воллтатал пата.

З. Сенькина.

## МАСАТ ЯСАНГ

Таин эшвойхул тайты вер шенгк лаварт. Си вер яма номман, «Кондинской» совхоз оланг отделенияйн ропитты эх яма тала лэсыйтлэсат. Интам мис посты нэнгат кути, КПСС ХХVI сьезд есаят манман, вутига ларингум социалистической касуспы. Верлал яма манты пилсат. Январь тылась мар п мис эвалт эсумийнгк посты вер 2,2 килая эммас.

Социалистической касуспыин елпийн пилсат мис посты нэнгат Т. И. Сульдина, Н. А. Люкшина, М. П. Бошкарева, ай мисат эмалты нэнгат В. Л. Нуякшина, Н. И. Плотникова, А. М. Садыкова. Иса там имет па па имет пилта ясанг масат КПСС ХХVI-мит сьезд пуншты хатла тарматты кат тылась план.

В. Николаев.

## ЗАДАНИЯ ЭЛТЫ

Сьезд елли ударной неделинт сора си суханлат. «Урайнефтегаз» объединения ропатнекат, коммунистэт вон мирхот есаят манман, вуйлюм социалистической ястусыял яма тарматлалат. Мег така ропата верат мансат январь тылась мар. Лыв заданиял элты мув илли эвалт 1100 тонна нух алумсат. 98 процент мултас холумтум нефть эвалт еллы китса первой категория сирн.

## ДЕПУТАТЛУВ УНТАСН

Мунг кортанг Советэвн 8091 хоят вол. Сив лунгал иситы ханты мир Варьеган корт. Сята воллат хантэт па юрат, иса 472 хоят. Кортанг Совета 50 депутат пирман. Депутатлук пила мунг вон ропата верлук. Лыват воллатлук, арсыр депутатской сесат верантлук.

Ар йор пундув си вера, лолн депутатат сессия муй-па исполком лэсятты арти иса ат нётупсы версат, постоянной комиссиян ат ропитсат. Сессиян нух вантты впрослук вуратлук ситы лэсятты, лолн лыв кашинг кортанг хоята сама ат юхтансат. Мосл лутты, сессия поступсы вуты вера вон унтас малат депутатат.

Интам мунг кортанг Советэвн лапат постоянной комиссия, си комиссиян 43 депутат ропитл. Мет вон нётупсы верлат ар ол депутата волты ёх, лыв айлал ёх воллатал, нётлат лыве-ла, хутыса мосл сессия, ис-

полкома, муйпа постоянной комиссия впрос лэсятты. Иса комиссиялук план сирн ропитлат.

Мунг комиссиялук ин шенгк така вуантлат арсыр впросат нух вантты вера. Лыв ар пуш холантсэл тынэсты хот ропата, арсыр организациян па учреждени-янт ропата.

Депутатлук яма нётлат миом наказат волупсыя эс-лты вера. Интам ропитты Совета вет наказ мийлясы, кат наказ сора волупсыя пиланган. Сит Новоангск хуса йилул школа па Варьеган хуса почта хот. Иситы верса телевизионной установка. Интам мунг Советэвн луватыйн телевизор вантлук па радио холантлук. Ситы депутатлук унтас мунг кашинг ол волупсэв ямамал, арсыр верат волупсыя паватэв пата.

**Г. Дементьева,**  
**Новоангской кортанг**  
**Совет исполком**  
**секретарь.**

## ВЕРЛАЛН АМТАТЬЛЯЛАТ

Округевн яма воты Советской район Комсомольской леспромхозн волты юхенгк сэварты бригадинган, хута косяя волланган П. В. Попов па А. А. Ватрасов там ол социалистической касупсыйн мет вон ясанг вуснган. Оланг бригадал вуантас 300 сюрс кубометра юхенгк сэварты, кимат бригадал — 200 сюрс.

КПСС XXVI-мит съезд ропитты хатл вонты Попов бригада лупс 50 сюрс кубометра юхенгк сэварты,

а Ватрасов бригада — 35 сюрс. Ропатаел яма манл. Манум Ас халты тыласан Попов бригада 25 сюрс кубометра юхенгк сэврас, а ватрасовзэт — 19 сюрс.

Там ванан па лын бригадингалан оланган ям ай юхтас: 1980 олт СССР юхенгк лэсятты министерства луватан социалистической касупсыйн оланг тахия пиланган. Сирн мунг эваллук — лын ясанг иси па тарматлала.

**В. Иванов.**

### II

Имил тувит юхат пон паны ентыксыта рангипых. Ики кансахил ийпа-китна чирымтых паны олантых.

— Коллэм, иймытлы кот махилты янгилил, — ими ентыксытал сахет нямыл. — Олын латны ману велихи туй. А пырны ноки ко-ста рангипых. Чу латны чи канчикинтим. Нунгат ва-

**Еремей АИПИН.**

Мувылы сарнам имил нявым — энта култых, кансанат лудьлыны вуимты. Юхин топ ийпа нок варых-лудьлы. Пыхтылэм тахины кансахил нок мильмытых. Кудмылтытых. Ийпа-китпа чирымтымал пырны па пунгыл палака каримтых паны ос вуимты.

Алын имил колнат ягу лавнг:

— Нунг, кимын, воих пихты?

— Воих?

— Авлыт кухинг олат.

Нок лэйлэ.

Ики кот нирхил нок пул пан кем ат. Авыл юх-мытале варты юнгикил охтыны пул олат. Юхин волым дохт суины пты. Колхин инам явангты-лоньчты.

— Мув арет яванг-лоньч тоял, — их Ики.

— Мувынат нунг пихтэ?

Котнат выс куты их? — имилны пырпы.

— Мувынат? — лувны пырхи пырпы мыта мары суйлых волмал пырны, ня-вым. — Вуймытм ко... олым

# ВУХСАР ЭНМАЛТЫ НЭ

Касумн пты вухсар хот вол. Ханты-Мансийской округн лув мет дунанг. 1979-мит олн государственная ми-юм тын — 151 шойт кашинг вухсар сук хата. Вухсар ферма ух эннга тата Г. Г. Канева вол. Лув 1956-мит олн Салехардской зоовет-техникум етшупгас.

Г. Г. Канева ропатайл арталудан верлалэ. Вухсар фермайн лыв энмаллат пты вухсарат, хушшат лэп-кат. 1980-мит олн фермаел 660 нэ вой тайс, там войлал эвалт топ 70 пушак энмал-сат. Муя па энмалтум вой сухлал тынангат?

Г. Г. Канева вельси сэма-птиты пушхат ямас лавал-ман тайлалэ: пуртоан мал-лэ, режим сирн лапаталэ, мосты кингант лунгатл, вер

яма воты хоятат пила пут-ремаел. Вухсар пушхат вита-минан антибиотикат пила-маллэ, атам мош эвалт ла-валты пата ямалты свыво-ротка уколн вой пушхат верлант. Сялта вой пушак турахн кашн сый ки сасыл. Сирн хатл дунгты пеницил-лин уколн пушхат верлант. Си юпийн хул вуйн витамин пила лывьслталыт.

Вухсар пушхат лыв сах-тэла пурсянтты вер тайлат. Сирн лыв магнезия калия глюконат па димедрол уколн верлант. Там уколн вонт яма ромаллант.

Тамасы ямалты верат верл фермайн ропитты кашинг хоят Г. Г. Канева ун-тасн. Сирн Г. Г. Канева эн-малты вухсар, лэпак пуш-хат вона энумлат, кашийн

ан юхатлант, сухлал такат, тайлат ям ось пун. яма вант-саслат па хураманга сурт-лат.

Вухсар энмалты хошты ехн Г. Г. Канева ропата яма лунгатла. Лыв луплат, Касум вухсар фермайн ро-питты ех Г. Г. Канева пила вухсар энмалты верел нау-ка сирн толэл.

Ханты-Мансийской округ 50 ол постум пурайн Г. Г. Канева ропата вуланга лунгатса. Г. Г. Канева РСФСР сельской хозяйства заслуженной ропатнек нэмн масы.

**М. Глушнев,**  
**Ямальской**  
**сельхозопытной**  
**станция волнат**  
**научной**  
**сотрудник.**



В. И. Ленин нэмуп «Нижевартовскинефть» нефть па газ вера эсалты управление лунгатла вуланг культурной предприятия. Сята йилул машинант па атэлт панькашат ропатаела лэсятты верат этум вон сира дунгатлаит. Яна йош йоран нэмалт ям вер ан верлан — мосл вуланг машина. Тата ропит-лат ар нумсанг инженерат, лыв нумсэл хуват ар йилул машинант па панькашит ропатаела пават-лант.

Объединенийн си верат пата мет яма альсылы оператора ропитты хо Айрат Шарипов. Лув сята ропитты ехлал киньса мет ар панькаш ропатайл хуси вера эслас. Манум олн лув нялхусьянг ясанг арсыр панькашит вера тоты сира мас, си унтас ол мар ропатайлн 23 сюрс шонт арат вух шалытас.

**ХУРН А. Шарипов.**  
**Н. Гынгазов верум хур.**

## ЕЛПИЯ ПИТСАТ

26 ударной неделя мар 25 сюрс метра мув пуритты! — симасы яступсы вуй-ляс Мамонтовской мув пуритты управления эвалт А. П. Тычинин бригада. Вуй-люм яступсэл лыв интам тарматсэл. КПСС XXVI-сьезд пуншты вонты елпия пугум бригада йилул ясанг мас: холум сюрскем метра па мув пуритты.

Нефтеюганск мув пуритты ёх кутн там бригада социалистической касупсыйн сырыя манл. Январь тылась мар лыв вет сюрс мултас метра мув пуритсат.

**В. Иванов.**

## Яма ропитлат

«Хантымансийскинефтегаз-геология» объединенийн ропитты ех графикел элты верман ропатаел верлэ. Январь тыласьн лывел мос-сак яртъянг сюрс метра мув пуритты, лыв версат 9106 метра. Си верн вуланг ун-тас версат Правдинской экспедицийн. Мув пуритты ех, лыв тылась заданиел элты 1200 метра арат масат.

Социалистической касупсыйн елпия пилсанган бригадинган, хута ух хоя вол-ланган Г. С. Липидус па Я. Д. Легдан.

# СУВЫС АТ ОЛЫМ

рыхтыта рангипым. Качынг воих куй кой пылт. А нынги цыки энта коринл. Лых качынг вар инам вултыл...

Мыта мары суйлых умыс. Чут пырны пырпых:

— Нунг муват пецхан эн-та выин?! Кулды чиминт пытыкхэмны лыксымлых?! Имины самты чи вар тунгымыт, нявым:

— Онтыкапи улынг ко-цых—уц выин! Кояхи инам лыксымлых воихнам янг-килдыл!

Мувылы чу коцыхнат варлы, номыксал Ики. Ко-цыхнат кулнам идык най энта пылт кунты. Кулнам чу коцых?! —

пыныты мув вар энта варл...

Алын шай энмалт пыр-ны лувны воих нок нелых-ты. Инам чены кийта эн-та мустыл — юрыл томпия инэл. Чакрыл, инам лаким куракси ихим, кот палыка, койлых тахия понтых паны тухрынг юхат алышты лы-вынгктых. Колхил ныра нок ыхиттых. Кецых воих тыр-пат четты. Энта евкылы, энта ентыхлы. Ики чи ва-рытнат лайхат сахет номыксыл, муват нум Торым-ны тэм воих мыщиды, муват муртыла ихима вонгака эн-та олты, муват ханты ко-нам паны найнам киты. Мув

вар пытан?! Мары номык-сых тормыт-мыхит иллы, пу-пи иллы вонтыт-нермыт ил-лы. Ий латны чиминт номы-сны юхты: ницы, ханты ко панам варым вар?! Ницы, ханты коны тэм воих нок килты паны энта пихты. Чи сахет кунты, ханты коны нок мыщиды?! Цопынка, ни-цы, ханты коны. Номыслых-коллых ут чут мувы цымыл тэм мыхны?! Чуминт мат-лы варым вар, самты?..

Тэрыммал пырны канса-кудимылтых паны юнгикил охтыя ымыл. Лух лайхмал мары, пылыгыт ира нох-лыт паны катл пукин. Кулха алынгат катл ины юх туйта юхит. Чи вар оихтымала, ики лангки кинца мын. Лув ийлыв цохт охтыя соцал

сахет чи воих иллы номык-сых. Котлых-лунгкых во-их мув-мары яхмыт-нермыт кухет янгилюх. Мув арет лоньчявынг вуй! И, самты, ханты ко кинц — кояхины улынг чи явынки — лоньчи нок вылы. Но вултых-чом, лых ях лув иньктыл кун-лыт пылмин. Паны лув ос атуллыман кичл. Самты, кулха унт номсы тойты во-их вул — чулат сувьс пы-тыхлэм атны ханты ко энта нохтыгых... Ханты коны явангки—лоньчи нок вын. Ханты коны имхи вари. Во-их кулха унтыллы номыс—кол туй. Унтыллы пум вул.

**Редактор**  
**А. СЕНГЕПОВ.**